

Usah kaut untung kenaikan ringgit

B.H 27 AUG 1992

(P)
KUALA LUMPUR, Rabu — Pengim-
port dan peniaga tempatan tidak pa-
tut mengambil kesempatan mengaut
untung daripada pengguna berikutan
peningkatan nilai ringgit sejak kebe-
lakangan ini, sebaliknya menyalur-
kan manfaat harga rendah barangan
import itu kepada orang ramai.

Sehubungan itu, Perdana Menteri,
Datuk Seri Dr Mahathir Mohamad,
berkata kerajaan memandang sertus
untuk memperketatkan penguatkua-
saan arah aliran harga yang bersaing
supaya peningkatannya dapat dika-
wal, selaras memanfaatkan pengeluar
serta pengguna terbabit.

Beliau berkata, pengagihan dari-
pada pengurangan kos import terha-
dap pengguna berikutan peningkatan
nilai ringgit itu dijangka boleh meng-
awal inflasi dengan lebih baik.

"Inflasi yang lebih terkawal juga
dapat mengurangkan tekanan terha-
dap peningkatan gaji, sekaligus me-
manfaatkan pengimport dan penge-
luar tempatan dalam jangka
panjang," katanya.

Pada masa yang sama, beliau ber-
kata, dengan perubahan ekonomi se-
jagat dan pertambahan persaingan,
penyesuaian perlu dilakukan teruta-
ma bagi meningkatkan kecekapan
proses pengeluaran masing-masing.

"Selain mengurangkan kos, kegi-
tan pengeluaran yang berintensifkan
modal dan teknologi tinggi juga dapat
membendung masalah kekurangan
guna tenaga dalam pasaran tempa-
tan," katanya ketika berucap di majlis
makan malam institusi kewangan
tempatan di sini, malam ini.

Dr Mahathir berkata, walaupun kos
pengeluaran meningkat, kaedah ter-
baik membendungnya ialah menerusi
kecekapan dalam pengeluaran yang
juga mengekalkan kemampuan pasa-
ran tempatan dan eksport negara un-
tuk bersaing.

Menurutnya, halangan yang menyek-
kat pergerakan barangan dan per-
khidmatan dalam negara secara be-
bas perlu dilonggarkan dan pada
masa yang sama kecekapan meka-
nisme harga harus diawasi serta di-
perbaiki.

Sehubungan itu, beliau berkata, ke-
rajaan memperkenalkan dasar dan
pengurusan kewangan yang ketat
bertujuan mengawal perbelanjaan
ketara terutama bagi barangan me-
wah, selaras mempertingkatkan ta-
hap simpanan dalam pasaran tempa-
tan.

Bagaimanapun, katanya, jika perlu,
kerajaan akan memperkenalkan sim-
panan wajib untuk memastikan kesta-
bilan ekonomi dalam jangka panjang.